

S U V Θ E S

DISPUTATIO PHYSICA
Theorematum quædam de Me-
tallis continens.

Q U A M

Cum consensu & approbatione Amplissimæ Facultatis
Philosophicæ in Regiâ Academiâ Aboënsi,

Sub Præsidio
Reverendi & Praeclarissimi Viri,

DN. M. ABRAHAMI G.
THAUVONII, Physic: & Botan. Professoris
publici celeberrimi, Præceptoris, Promotoris & Hospitis sui
omni observantiae cultu æternum devenerandi,

Liberalis exercitij ergo publicè ventilandam proponit
ad diem 14. Calend. Januarij, Anni 1655.
horis & loco consuetis,

Johannes Thuronis Waënerus
Kyroënsis, S, R, M.tis Stip.

A B O Æ,

Excusa à PETRO Hansen/ Acad. Typogr. 1654.

Nobilissimo & magna expectationis adolescenti,

DN. JOHANNI Rosenschmit/ Hæreditario in Druck; holm/ Candela & Grånnåås &c. In Academiâ Aboënsi Musarum cultori perstrenuo, fautori & benefactori suo jugiter honorando.

Nee Non.

Viris Reverendis, Humanissimis & Doctissimis

DN. HENRICO ARVIDI, Pastorî in Cœtu vigilantissimo.

DN. ABRAHAMO JOSEPHI, pastorî in Tyrswîs fidelissimo, Cognato suo charissimo.

DN. THOMÆ BARTHOLLI, Verbi Div. Ministro in Huittis impigerrimo.

DN. HEMMINGIO JOSEPHI Hollen/ Ecclesiastæ in Kyro perfideli.

DN. DANIELI H. JUSLENIO, In Academiâ Aboënsi ingenuarum artium cultori & S. R. M. tis Alumno perindustrio, convictori suo suavissimo.

DN. Benefactoribus, Fautoribus & Amicis suis officiōse colendis, Discursum hunc de Metallis in Novi hujus anni 1655.

Felicem ingressum,

Feliciorem progressum,

Felicissimum egressum,

Strenæ loco offert

Johannes Waenerus.

In Nomine J E S U Christi.

Theorema I.

MEtalla sunt mineralia fusilia, & in longum latumquè ductilia, usibus humanis maxime accommodata.



Etallum à *μεταλλίῳ*, h. est, curiosè per-scrutando nomen habet, quoniam multo labore, in meatibus terræ inquiritur; vel ut Plinius vult lib. 33, Cap. 6. *ταῦρον πέτρα τὰ ἄλλα εὐρύσκεται* quod unius metalli venâ repertâ, mox in propinquo alterius vena sese manifestet. Sumitur nonnunquam pro quâvis materiâ durâ è terræ visceribus effodi solitâ, aliquando pro quibusvis divitiis, nonnunquam etiam pro fodinâ metallicâ; Impræsentiarum autem significat speciem mineralis lapidibus gemmis & terris prætiosis contradistinctam. Metalla dicuntur mineralia, quod præcipue in mineris, h. e. venis & meatibus terræ generantur, quia spiritus metallici hisce velut carceribus arctiùs concluduntur. Interim non negandum metallum quadam reperiiri in fluminibus, fontibus, puteis ut in Germania; in partibus terra superficialibus, campis & arenis ut in Hircania & Galicia, in capitibus piscium quos *Forellas* vel *Trutas* vocant. In dò in pueno Silesio anno 1593. dens aureus succrevit, & in citiore Germania intra Danubium vites candicantia folia ex puro auro germinasse scribit Alcx. Neapolit.

II. Efficiens metallorum principale & proximum est vis mineralis seu forma metalli cuiusq; propria.

De efficiente metallorum causa quando queritur,

nonnulli ad astra pleno recurrent impetu. Influentia cœlestis quidem non nihil facit ad metallorum generatiōnē, sed tamen universaliter, indeterminatē & media-tē, causa ergo particularis & immediata est investiganda. Agit cum omnibus cœlum, & easdem vires omnibus communicat, cum planta plantam, cum metallo metal-lum, cum homine hominem generat. Aliquibus calor & frigus metalla producunt, sed accidentia hæc sunt, instrumenta sunt, substantiam ergo producere nequeunt, principali agenti inserviunt. Deus ergo in sextiduo creationis unā cum reliquis rerum naturalium speciebus metalla condidit, illisq; formas & virtutes in materiā dis-positā locoq; apto sese multiplicandi indidit, atq; ab iis non solum formatio corporis singulorum & vires admi-randæ; sed & propagatio & perpetuatio eorundem pro-venit.

III. *Materia metallorum proxima est humor sive succus terrestris in quo sal sulphur & Mercurius habitant.*

Ut de efficiente metallorum varia variorum extant judicia, ita materia illorum ex qua, fuit atq; est litis ma-teria. Plato in timæo aquam, Democritus calcem & li-xivium, Agricola aquam terræ commistam, alii aliam metallorum statuerunt esse materiam. Peripatetica schola halitum quendam humidum & glutinosum in ter-ræ visceribus latere statuit, ex quo metalla generentur. Sed materiam adducit nimis remotam, & perinde est ac si quis principia materialia animalis non semen & sang-vinem, sed halitum aliquem statueret. Chymici a. quia in omnibus fodinis (dicet non semper eadē formā ex-ternā, sed modo halitus & spiritus specie errantia, modo succi, modo alia forma coagulata) sal sulphur & mercu-rium reperiunt, & etiā metalla in vitriolum & argentum vivum

vivum mutari, & ex argento vivo metalla fieri, exploratum habent, propterea materiam metallorum proximā esse statuerunt principia chymica sive etiam seminale principium. Nullibi enim ubi hoc seminale deest principium, ullius efficientis opera, ex exhalatione seu sicca, seu humida metallum formatur. Nec per hæc Principia Chymica elementa excluduntur, sed tamen elementa quæm principia hæc in metallorum constitutione admittenda sunt, illa mediata hæc immediate.

IV. Forma metallorum est substantia inanimata, viventi tamen analoga, & in alijs atque alijs diversa.

Nec minima de forma metallorum inter doctiores agitatur controversia. Alii metalla voluerunt esse corpora imperfectè animata, ut Scribonius, quem jure castigat Brighthus. Si enim animam habent, habebunt eam perfectè, quia anima magis & minus non recipit. Alii perfectè animata esse docuerunt, ut Cardanus quorum sententia etiam merito improbat. Non enim in metallis venæ, non organica adsunt corpora, sicut viventiū postulat ratio, nec nutrimentum coquendum, & in substantiam corporis convertendum deprehenditur. Specificam verò differentiam inter metallū (ut ut Chymici nonnulli cum Cardano atq; Danæo aliter sentiant) arguunt vires & operationes diversissimæ, de quibus in Theoremate ultimo.

V. Finis metallorum est inservire usibus humanis.

Post gloriam Dei, ob quam res omnes sunt conditæ, & mundi integritatem, metalla tūm ad ornatum tūm ad utilitatem hominum plurimum conducunt. Ornantur templū aureis statuīs, formantur ex auro, argento & ære monētæ, annuli. Parantur ex metallis instrumenta tūm belli, galeæ, gladii, tūm etiam domestica ollæ, secures,

vomeres &c. Et nihil ferè est in re politica & oeconomica quod metallis carere potest.

VI. Affectiones metallorum sunt fundi à calore, malleo extendi, solvi aquâ forti & inter se transmutari.

Præcipuas metallorum affectiones ob pagellarum angustiam annotasse sufficiat. Funduntur à calore & malleo extenduntur metalla, quædam facilis in quibus mercurialis præpollit humiditas, cum sulphure analogo exactissimè mista; quædam difficultius in quibus plus sulphuris vitriolati salis & terræ metallicæ reperitur. Transmutationem metallorū (licet Peripatetici contradicant) virorum doctorum probat experientia. Vid: Bartholin. & Evald: Hogieland, hist. transm. metal. Alibi etiam in natura, transmutationis reperiuntur exempla. Zea transit in triticum & contra, siligo & lolium &c. Pertinacis ergò est experientiæ refragari, & sensus dimittere & rationes quærrere infirmitas mentis est.

VII. Species metallorum sunt sex: Aurum, Argentum, Æs, Ferrum, Stannum, Plumbum.

Nec de numero metallorum venatores naturæ conveniunt; Alii quinq; tantum numerant metalla, plumbum imperfectum stannum vocantes; sed cum diversas affectiones & operationes habeant, meritò specie distincta esse judicantur. Alii septem numerant, Hydrargyrum adjicientes. Licet autem Hydrargyrum magnam cum metallis cognationem habeat, quia tamen non potest igne fundi, nec malleo extendi, jure ex censu metallorum rejicitur. Alii Electrum, Oricalchum & Chalybem superaddentes decem numerant metalla, sed nec sati acutè, ut mox patebit. Communem ergò metallorum numerum defendere coabitur. Chymici distinguunt metalla in Perfecta & Imperfecta. Perfecti sunt

quæ

quæ substanti & accidentibus absoluta sunt, & ignis
examina sine detrimento, vel illo minimo sustinent, ut
Aurum & Argentum. *Aurum* est metallum perfectissi-
mum & splendidissimum, è mercurio perfectissimè ex-
cocto & sulphure rubeo præstantissimo saleq; optimo
genitum. Colorem habet rubeum, est ponderosissi-
mum, summè ductile, omniaque ignis examina sine de-
trimento sustinet. Vires medicantes præcipue quando
potabile redditum est (quod posse fieri Chymicis periti-
oribus notissimum est) habet plurimas. Medetur le-
præ, Epilepsia, venenis resistit, cor hominis exhilarat,
vitales spiritus corroborat, sennium pellit, &c. Si auro
quinta pars argenti inest dicitur *Electrum*. Puritate ma-
teriæ auro proximum est *Argentum* met, purum & perfe-
ctum, ex mercurio perfecto puro ac claro, sulphure al-
bo ac sale genitum. Auro & plumbo levius est, in igne ali-
quid deperdit licet modicum. Refrigerat siccat & con-
tra Cephalicos morbos opitulatur, præsertim ex *vitriolo*
argenti confecta arcana quibus felicitè usus est Tycho
Brahe, ut Bartholin. scribit. *Imperfecta* sunt quorum
principia non ita matura pura & fixa sunt, & absque de-
trimento ignis examina non sustinent, ut *Æs*, *Ferrum*,
stannum & *plumbum*. *Æs* seu *Cuprum* est metallum
imperfectum durum, ex plurimo sulphure rubeo crasso
& nondum maturato, & paucō argento vivo impuriore
saleque genitum. Igne comburitur, non tamen tam
cito ac *ferrum*. Ad ulceræ sananda insignis est æris u-
sus quando uritur, vel cum sulphure tantum, aut addito
aluminè, aut per se solum; & ad medicamenta oculo-
rum vasa ænea utiliter adhibentur. *Æs* si magnetide
tingitur fit coloris argentei; si verò Cadmiā tingitur
& miscetur auri colorem refert & *Oricalechum* dicitur..

Fer-

Ferrum est metallum imperfectum ex plurimo sulphure
erudo terrestri & indigesto, & paucō argento vivo sale-
que impuro genitum. Vis ferri est astringere & exsic-
care. Si purgatur & igaib⁹ multis & aquarum cre-
brā restiunctione induratur *Chalybs* dicitur. *Stannum* est
metallum imperfectum, molle, album, ex multo argento
vivo minūs perfecto, & paucō sulphure non benē digesto
saleque genitum. Rubiginem difficulter contrahit,
in aqua facile putreficit, Auro & Plumbo admistum ea
tractabilia relinquit, sed reliquis metallis adjunctum
fragilia reddit. In medicina etiam vires habet non
contemnendas. *Plumbum* est metallum imperfectum,
molle, lividum, ex multo argento vivo impuro, & sul-
phure paucō itidem impuro & fætido saleque genitum.
Ignem diu non sustinet, facile rubiginem contrahit, auro
& argento vel centisima parte additum ea fragilia red-
dit, nullā aquā vi consumitur, sponteque præsertim in lo-
cis humidis erescit. In medicina refrigerat & astrin-
git.

**Faxit Cunctipotens ut diviti-
as mundanas ita speculari &
tractare queamus, ut thesau-
rum nunquam periturum
in cœlis adipiscamur.**

